

§. 7. Doch/stervet de **Steff-Moder** ersten/so beholt de **Vader** dat kōffte Landt / dat he in der **Gemenschop** / mit den **Kinderen** gekōfft hefft/ so lange also he levet. Na sinem **Dode** överst / schal men dat Landt schiffen / unde deelen / under alle sinen **Kinderen**/de mit eme in **Gemenschop** weren (so mennich **Kuld** / dat is / under so mennich schlags **Kinder** / de he hefft) also ander **Vaderlike** Landt / etc.

§. 8. So ock de **Vader** erst störve / unde dat de **Steff-Moder** mit erem **Steff-Kinde** na bleve: So nimpt dat **Steff-Kindt** vor erst / so vele van dem gekōfften Lande / na deme also jdt in der **Gemenschop** was / unde dar negeit de **Helffte** alle des **Erves** / mit sinen **Vaders** nagelatenen **Huß-Frouwen**; Doch wert (den **Laad**) dat is / dat **Deel** / dat dat **Steff-Kindt** nimpt / uthgelecht / vor des **Vaders** Landt.

§. 9. Wente alle kōffte Landt / dat de **Bonde** kōfft / in edder buten der **Gemenschop** mit sinen **Kinderen** / dat wert des **Vaders** Landt genōmet: Uthgenamen dat **Deel** / dat de **Huß-Frouwe** nimpt.

**De Vader mach den Söhnen erer Moder
Gudt nicht vōrentholden.**

CAP. VII.

§. 1.
Sitten de **Sōne** na der **Moder** **Dode** mit dem **Vader** in der **Gemenschop** / unde sint 15 **Winter** / dat is / **Jare** oldt / unde willen van dem **Vader** affscheiden: So mach he en erer **Moder** **Gudt** / nicht vōrentholden.

§. 2.